

# *SEETŠA SE SEGOLO*

## *SA GO PHADIMA*

 Sehlogo sa ka mosong wo se hwetšwa ka go Testamente ye Mpsha. Pele fao e tla ba palo ya Lengwalo go tšwa go Mateo ya 1 . . . tema ya 2, go thoma ka temana ya 1. Gomme ka gona gape ke rata go tsea, bjalo ka sehlogo, go tšwa go tema ya 4, gomme ditemana tša 14 le 15. Ke rata go bala Lentšu, ka gore Lentšu ke Modimo.

*Bjale ge Jesu a tswetšwe ka Bethlehema ya Judea ka matšatšing a Herode kgoši, bonang, fao go tlile banna ba bohlale go tšwa bohlabela go ya Jerusalema,*

*Ba re, o kae yo a tswetšwego Kgoši ye Bajuda? ka gore re bone naledi ya gagwe ka bohlabela, gomme re tlile go mo rapela.*

<sup>2</sup> Ka gona ka go tema ya 4 temana ya 14, go bolela mabapi le moprofeta.

*Gore go phethagale se se boletšwego ke Jesaya moprofeta, a re,*

*Naga ye Sibilone, le naga ya Nafutali, ka tsela ya lewatle, mošola wa Jorodane, Galelia go Bantle;*

*Batho ba ba dutšego leswiswing ba bone seetša se segolo; gomme go ba ba dutšego dikgaong tša morithi wa lehu seetša se hlabile godimo.*

<sup>3</sup> Ke rata go tsea sehlogo sa ka go tšwa . . . bjalo ka se: *Seetša Se Segolo Sa Go Phadima*. Ke Lengwalo la go se tlwaelege kudu.

<sup>4</sup> Gomme, bakeng sa nako ye, batho ka tlwaelo ba rerile kudu ka “ga go sebaka ngwakong wa baeng,” mo sehleng sa moketeko, le “Josefa le Maria,” le—le “matswalo a Morena Jesu.” Maabane ke be ke nagana gore ke be ke tla e batamela go tšwa go tsela ya go fapano, gore bontši bja lena le e kwele go seyalemoya sa lena le dithelebiſene.

<sup>5</sup> Gomme ge ke be ke sa nagana, se se tlile ka monaganong wa ka, ka ba bohlale le Naledi. Gomme seo sa go ntia e bile, gore, ke eng wa bohlale a ka se dirago ka Kriste? Ka gona, ka go bala ba bantši ba dirutegi tša kgale, bošego bja go feta, thari, go fihla ke robetše tesekeng, ke leka go hwetša se sengwe se ka tlišago seetša se sennyane go thuto ya lehono.

<sup>6</sup> Ka gona, ke selo sa go se tlwaelege go bolela dilo tše, ka gore, morago ga tšohle, Modimo ga se wa tlwaelo. Modimo o dira dilo ka tsela ye e sego ya tlwaelo, gomme dinako tše dingwe ka nako

ye e sego ya tlwaelo; ka gore Yena ga se wa tlwaelo kudu. Gomme bao ba Mo direlago ga se ba tlwaelo; ke batho ba šele.

<sup>7</sup> Kafao ge re, nako ye ya sehla, ge re bea šedi ya go nagana ga rena go lebanya Krisemose, go befile kudu re swanetše re e bee go nonwane ye e bitšwago “Santa Claus,” sebakeng sa se Krisemose ya kgontha e swanetšeego go ba sona. Bana ba bantši ba bannyane ka nageng lehono ga ba tsebe selo go feta ge Krisemose e era “selei se tletše dibapadišwa, le ditshepe tša sephiri di tabogataboga godimo ga ntlo,” go no tla go ithuta moragorago ka nonwane ye; ebile le go gobatša tumelo ya bona, ge go etla go tsebeng kanego ya therešo ya Krisemose, gore ga e na le selo go dira le ditshepe, goba monna a kgoga peipi, ka boyo go dikologa jase ya gagwe.

<sup>8</sup> E be e le matswalo a mošegofatšwa wa rena Morena Jesu. Gomme ga se tlwaelo kudu go bona ka fao Modimo a šomilego ka mokgwa wo, gobane ga go nako ye nngwe e ka bego e kile ya šoma, ka go histori yohle ya lefase. E ile ya swanela go ba tlwa mo nakong ye. Gomme bjale bakeng sa dinakwana di se kae a re nong go lebelela thwi go sehla.

<sup>9</sup> E be e le nako ge Herode, mmolai, a be a le kgoši. Go be go swanetše go ba, monna yo wa go hloka pelo o be a swanetše go ba kgoši ka nako, ka gore re tsebana le Mangwalo ao a rilego o “bolaile bana bohole go tloga go mengwaga ye mebedi go ya fase,” a leka go hwetša Kriste. Gomme go be go swanetše go ba feela ka nako yeo.

<sup>10</sup> Gomme nako yeo go be go swanetše go ba, ka nako yeo, gore go be go swanetše go tsoga go lefišwa motšhelo, go dira Maria le Josefa go ya morago go toropolegaa ya bona ka Bethlehemmo ba bego ba ngwadišitšwe, gomme matswalo a bona a be a le direkotong tša dikgoro tša tsheko le ka gare ga tempele, go lefišwa motšhelo. Gomme Kriste o be a swanetše go tswalwa ka Bethlehem, gomme ba be ba le dimaele tše ntši kgole ge se se be se direga.

<sup>11</sup> Gomme ge re etše hloko metlhako ye ba bego ba swanetše go e kgabola, gore ba fihle kua. Gomme ba be ba se ne ye kgolo, ye kaone ya mabonwa ampolese go iša Maria godimo kua. Gomme ba be ba se nayo go swana le lehono, mo re ka kgonago go be re bile le mohuta wa boitshwarelelo. E be e le taelo ya kgoši. Ga go maitshwarelelo a a dirwago. E swanetše go phethagatšwa. “Kgoši o boletše bjalo!” Ga go kgathale maemo a gagwe, goba eng, ba swanetše go boela nagalegaeng ya bona. Ga go boiketlo go mme yo monnyane a ithwelego. Gomme ga go tsela ya go sepela; ka maoto feela, goba godimo ga mokokotlo wa tonki ye nnyane.

<sup>12</sup> Gomme re a botšwa gore Josefa o tšere Maria, mme yo a letilego nako efe kapa efe, gomme a mmea godimo ga mokokotlo wa tonki ye nnyane. Gomme ge e ka ba mang a kile a namela

tonki, o tseba monamelo wa makgwakgwa e lego wona. Moisa yo monnyane, go latela mmilana wa go pitlagana wa go potologa godimo go dithaba, go tla Bethlehem, go tšwa botlase Judea, tsela ya lekgwakgwa ya makgwakgwa. Go be go ka reng ge tonki ye nnyane e be e ka se gate gabotse, gomme ya wa le mme yo monnyane yo a bego a letile?

<sup>13</sup> Goba, ka go matšatši ge go be go le go sepela mo gontši go tla go dinagalegae, naga ka moka e be e šoma, e phela ka baeti le basepedi, go ya morago go nagalegae, peakanyo ye botse ya bahlakodi ka matšatši ao. Ge ba bona dikharabane tše nnyane tša batho ba bannyane; banamedi, bahlakodi ba ka be ba otleletše thwi ka gare gomme ba ba bolaya, le go tše diphahlo tša bona le go tloga. A selo se e bego e le sona go banyalani ba baswa ba, se ba bego ba swanetše go se lebanya, le ka fao go ka bego go be go le!

<sup>14</sup> Gape, go ka reng ge nka be tše dingwe tša dibata tša lešoka, tše go bego go le ditau le tše ntši tša go senya, diphoofolo tše lešoka di bego di tlaruma ka maganateng ao ba bego ba swanetše go a kgabaganya. Go ka reng ge sebata sa lešoka se ka be se hlasetše sehlopha se sennyane, Josefa a ka be a dirile eng ka lepara ka seatleng sa gagwe, le mosadi yo a bego a sa kgone go šišinyega? Ba bile le seo go se lebanya.

<sup>15</sup> Eupša go re fa khomotšo go tseba se, gore ga re sware mafelelo a ren. Modimo o swere mafelelo a ren. Gomme O le beile go ba bjalo, gomme ga go selo se ka tsogego sa tsenatsena lenaneo la Modimo. Re tlemege go fihla.

<sup>16</sup> Go be go se gwa swanelo go ba poifo. Gomme go le bjalo mohlomongwe Maria le Josefa, bonabeng, e no ba batho ba go tlwaelega, ba se ba rutega. Gomme ba be ba se ne tsela ya go tseba dilo tše, tše di bego di direga thwi ka nako, di be di phethagatša Mangwalo.

<sup>17</sup> Gomme ke letšatši la go swana. Dilo tše di diregago thwi ka go letšatši le re phelago, gomme ba bantši ba ren ga ba tsebe selo ka yona, ka fao Modimo a sepelago.

<sup>18</sup> Ke sa tšwa go botšišwa ke yo mongwe wa bahumagadi bao ba gatišago ka kamoreng mo, ke be ke eya go bolela neng ka thuto yeo, ya mongwalo wa seatla, le sephatšamaru ka moyeng. “A e tla ba Lamorena le le latelago?”

Ke rile, “Ga ke tsebe.”

<sup>19</sup> Eupša, oo, go bona ka go nako ye ya leswiswi ya go kwalela, seatla se segolo sa Modimo se sepela ka go iketla go ya pele. Ga go selo se tla Se emišago.

<sup>20</sup> Gomme re kgona go bona ka fao go bego go le, lehono, ge tonki ye nnyane le basepedi ba babedi mafelelong ba fihla. Ge ba etla bošego, godimo ga maganata, go be go fiša kudu! Gomme

ka gona a re re ba dula feela godimo ga thaba ye nnyane go ya bohlabela bja Bethlehema.

<sup>21</sup> Bethlehema e dutše ka moeding, gomme go na le thaba ye nnyane. Gomme tsela ye e tlago ka Bethlehema, e tepogela bohlabela bja Bethlehema, gomme e ya tlase ka toropongkgolo. Kgauswi le khona, mo o dirago go tepoga ga mafelelo, go thoma go theoga thaba, go na le mokgobo wo mogolo wa maswika a go tsupoga a robetše fao. Gomme go nagannwe ke borahistori gore mohlomongwe Maria le Josefa ba eme fao go tšea mohemo go ya toropongkgolo bošego bjoo.

<sup>22</sup> A re boneng Josefa, ka go swara ga gagwe ga boleta, o fološa monyalwa wa gagwe yo monnyane go tšwa go tonki le go mo thuša go ya fase, o mo tšeela godimo gomme o mmea godimo ga leswika, le go re, “Moratiwa, toropokgolo ye nnyane šele, feela tlase ga rena, fao mohlomongwe motli wa rena yo moswa a tla tswalelwago.”

<sup>23</sup> Ke kgonna go eleletša ke bona dinaledi di no benyabenya gannyane le go phadima godimo, ge ba be ba dutše ba lebeletše godimo ga Bethlehema, go bja bona...bohlabela bja bona. Gomme ge ba be ba dutše fao, ba maketše ge ba tsepeletše dinaledi; tsela, dimaele tše makgolo bohlabela bja fao, go be go le lefelo le lengwe la tiragalo le bego le hlamega.

<sup>24</sup> Le a tseba, Modimo o šoma ka go legohle la Gagwe. O dira dilo go direga ka go naga e tee, moo A se dirago se tsee sebopego, go kopana le sona ka go ye nngwe. Fao re a bona, tsela ka bohlabela, bjalo ka ge re botšwa ke borahistori ba bantsi, gore baisa ba, ba bohlale, bjalo ka ge re ba tseba go ba.

<sup>25</sup> Lehono ba tla ba, bontši goba bonnyane, bitšwa, “baithutadinaledi,” e sego ka kgopolong ya babolellamahlatse; eupša go na le boithutadinaledi bja dikwero, bjo bo bitšwago babolellamahlatse. Gomme batho ba kitimela go dilo tše, e lego kgopolo ya bofora ka moithutadinaledi wa kgonthe.

<sup>26</sup> Hampton o re boditše, rahistori yo mogolo, gore e be e le...Ba be ba le Bameda Baperesia, baithutadinaledi ba. A re lelekišeng bophelo bja bona gannyane ga nthathana. Gomme re hwetsa gore Bameda Baperesia ba kopane le Ebangedi ya Morena wa rena ge ba le tlase ka Babilona. Mengwaga pele, ka go nako ya Kgoši Nebukadinetsara, ba bile le batho ba ba bjalo ka baithutadinaledi, ba ba bego ba šetša dinaledi le mebele ya legodimo. Gomme ba be ba kgonna go bolela ka maswao le mosepelo wa dinaledi, ka ditiragalo tše di itšeego di bego di swanetše go direga.

<sup>27</sup> Gomme dikgoši tša matšatšing a pelepele ba be ba botšiša monna yo mobjalo go tseba ka ditiragalo le ka dilo tše di bego di eya go direga. Modimo ka mehla o e bega ka mebele ya Gagwe ya legodimo pele A e dira go tsebja lefaseng. Modimo o e ngwala ka magodimong.

<sup>28</sup> Gomme naledi ye re e lebeletšego, gomme re nagana ka tšona bjalo ka ditshetlana tše nnyane tša khutlotlhano ka magodimong, eupša, se di lego sona, ke mafase a magolo kgole go feta le, a bonagatša seetša sa letšatši.

<sup>29</sup> Gomme batho ba ka nnete ba kopane le Ebangedi ka mengwageng ya bothopša bja Israele, bja mengwaga ye masomesupa ka nageng ya Bakaladea, gomme, ka nnete, Daniele o dirilwe kgoši ya ba bohlale. Moprefeta, ka bohlale bja gagwe bjo bogolo go tseba bofelo bja dilo, le go tseba se Modimo a bego a eya go se dira, gomme o be a bitšwa kgoši ya ba bohlale. Gomme ba bohlale ba be ba swere dingwalwa tše ba bego ba šupa go tšona, tša botate ba bona ba kgale. Gomme Daniele o tliša ka gare Dingwalwa tša Morena.

<sup>30</sup> Gomme kafao re a kwešiša gore lebakeng la nako ye ba be ba eletšane mmogo kudu, gomme ba be ba bone bohlale le maatla ao Modimo yo motee wa therešo a a tšweletšego, a bego a le kgole godimo ka godimo ga moithutadinaledi ofe kapa ofe goba yo bohlale. E ile ya netefatšwa ka bošego bja ya Kgoši Nebukadinetsara...goba motantsho wa Belesatsra, gore, ga go le yo motee wa Bakaladea goba baithutadinaledi a kgonnego go bala mongwalo wa seatla godimo ga leboto. Eupša Daniele, ka Moya le maatla a Modimo wa go phela, o kgonne go e dira. Gomme dingwalwa tša gagwe di be di bolokilwe e le tše kgethwa, gomme di sa le le letšatši le.

<sup>31</sup> Bjale re ba bitša, ka bohlabela...Ke bile le monyetla wa go bolela le bona ka India. Gomme ba bitšwa bjale Bomohammadan. Eupša ka nnete ba be ba le Bameda Baperesia. Maindia ba bitšwa...Ke a dumela ba ba bitša ba go se hlweke. Gomme Bameda Baperesia ka nnete ke Bomohammadan. Gomme ke bona ba setlogong ba bego ba na le Kgoši Nebukadinetsara. Gomme bahlomphegi ba bona ba bagolo e be e le baithuti ba ba bego ba ithuta di—di dilo tša tlhago, go bolela dilo tša semoya tše di bego di tla direga.

<sup>32</sup> Kafao ka go mengwaga ye metelele ye ye makgolo, gomme dingwalwa tša dithuto tša Daniele, le go ya pele, ba di bolokile.

<sup>33</sup> Gomme se ba bego ba se dira, ka go dinako tša pelepele tša mantšiboa, ba be ba eya godimo ka go Assay[?] Dithaba. Gomme go bapela godimo kua ba be ba na le ntlosebo. Gomme ka gare ga ntlosebo ye go be go le ntlosebo ya ba bohlale. Gomme ba be ba eba le fujadous[?] mokete. Gomme morago ga mokete ba be ba sepelela ntle dintlhoraneng, goba godimo ga mathudi, gomme fao go tora ye nngwe ya go hlokomedisiša morago ga ge letšatši le diketše. Gomme bjalo ka ge Mahommadan ka mehla ba dira, ba khunamela letšatši le go goelela, “Allah! Allah!” Gomme makga a mantši ba itšegofatša bonabeng ka meetse a makgethwa, le go ya pele, ebole go fihla le letšatši le. Gagologolo, sa bona se sekgethwakgethwa selo, e be e le mollo. Ba be ba dumela gore

Modimo yo motee yo wa therešo le go phela o be a dula ka mollong.

<sup>34</sup> Gomme go tlab a bjang go tseba gore Modimo yo motee wa therešo le wa go phela o dula ka Seetseng, gomme Yena ke Mollo wo o jago.

<sup>35</sup> Kafao ba bego ba tšuma mello ye mekgethwa! Gomme ba be ba šetša mollo wo, ka gore ba be ba dumela gore Modimo yo motee wa therešo o be a dula ka mollong, gomme O be a iponagatša Yenamong go bona. Gomme mollo o be o tuka kganyikganyi ge se—se seetša sa letšatši se ile fase.

<sup>36</sup> Gomme kafao ba be ba eya ntle godimo ga tora ye ya go hlokemedišiša, gomme ba be ba lebelela godimo. Gomme ba be ba katisitšwe gabotse. Gomme ba be ba tseba mosepelo wo mongwe le wo mongwe wa mmele wo mogolo wa legodimo wa dinaledi. Ba be ba šetša ka kelohloko mosepelo ofe kapa ofe.

<sup>37</sup> Oo, ge Bakriste ba ka no dira seo! E sego go šetša dinaledi, eupša go šetša Lentšu la Modimo ge Le tatologa. Ge re ka no le ela hloko lehono, le go bona ka fao Modimo a tshepišitšego ka letšatšing le dilo tše re di emelago ka bogale. Modimo o tshepišitše go dira dilo tše, bjalo ka go fodiša balwetši le go dira mehlolo ye megolo.

<sup>38</sup> Daniele wa go swana a ba rutilego ka ditiragalo, o boletše, go re, “Ka matšatšing a mafelelo batho ba ba tsebago Modimo wa bona ba tla dira tše kgolo.” Mangwalo ao a swanetše go phethagatšwa. Ge feela re ka no puruputša! Gomme ge le ka ela hloko, Modimo o ikutolla feela Yenamong go bao ba puruputšago le go hlologela go Mmona. “Batamelang kgauswi go Nna, gomme Ke tla batamela kgauswi go lena,” go boletše Morena. Gomme dinako tše dingwe Modimo o tlogela dilo go direga gore re tle re batamele kgauswi le Yena. Ka gore Modimo ka nnete o beile gore ditiragalo tše di itšego di swanetše go direga, gomme di tla no tatologa feela ge sešupanako sa Gagwe se segolo sa nako se rotlarotla go e tloša.

<sup>39</sup> Gomme godimo, re tla re, bošego bjo bo itšego, morago ga ge mokete o fedile, gomme ba inametše go go dikela ga letšatši, sehlopha sa rena se ya ka go tora ye ya go hlokemedišiša. Gomme ge mebele ye megolo ya legodimo e thoma go bonala ka lefaufaung, dingwalwa tša go tšofala tša kgale go fetile, tša bahlomphegi, tša tlišwa ntle. Gomme tša tatollwa, gomme ba lebelela ka go tšona, gomme ba re, oo, dilo tše di itšego di ile tša bolellwapele. Gomme taba, mohlomongwe, e ile nako ye telele, ya go wa mo gogolo ga mebušo, le go phuhlama ga mebušo ye megolo ya bona, le ka fao maemo a leago a batho, le dintwa, tše di kgeitšego lefase le go le hlapiša ka madi a makhomoreiti a bona. Gomme bjalo ka banna ba ba lego ba semoya ba kwešiša feela dilo tša semoya; kafao go tatologa ga matšatši a magolo go fetilego, le dihlong tša wona, ge mollo wo mokgethwa o latswitše

tsela ya wona godimo go ya ka moyeng le go timelela, go emela Modimo yo Motee wa therešo le go phela.

<sup>40</sup> Gomme ge bošego bo be bo golela pele ka karolo ya bjona ya bogare, e re, iri ya lesome goba lesometee, ge lešaba le be le dutše fale, mohlomongwe ba opela dipina tša bona, goba mohlomongwe ba be ba rapela. Ga re tsebe feelsa se ba bego ba se dira, gomme borahistori ga ba se bee pepeneneng. Eupša, go le bjalo, ba swanetše go be ba be ba le ka go mokgwatebelelo wa semoya, ka gore Modimo o rapela mo go lego botee le moyo.

<sup>41</sup> Modimo o tla tla go rena mosong wo. O tla boloka bophelo bja mosetsana morategi yo monnyane yo, le ba bantši ba lena mo bao mohlomongwe ba hwago ka kankere le ka malwetši a mangwe, ge feelsa re ka tla ka boteeng bja semoya le Lentšu la Gagwe le Yena. Modimo o tla ikutolla Yenamong. Ka mehla O dira seo.

<sup>42</sup> Tseleng go ya Emause, ka morago ga tsogo, e bile feelsa ge Theophile le mogwera wa gagwe ba thoma go bolela le Yena, gomme Mangwalo a ile a tsopolwa, gomme Modimo ka go Kriste a ikutolla Yenamong go bona. Gomme ka gona tseleng go boela morago, ba rile, “A dipelo tša rena ga tša swa ka gare ga rena ge re be re bolela le Yena go bapa tseleng?” Se sengwe ka go bolela ka Lentšu!

<sup>43</sup> Gomme ka go dingwalwa tša bona tša kgale, ge ba bala ka ba bohlale ba go fapana ba ba fetilego. Gomme ga ke kgone go bitša Beibele ya bona ka nako ye, goba ba be ba bitša Zadokoah[?], se sengwe ka mokgwa woo, ye ba bego ba e bala le go šupa morago go dingwalwa tše tša banna ba bakgethwa. Gomme ka fao ba bantši ba bona e bego e le badirela medimo, gomme ba tliša dihlong le nyatšego go batho, ntle le pelaelo gore ba bohlale ba ba inamištše dihlogo tša bona ka dihlong. Eupša, go le bjalo, nako yeo mello ye mekgethwa e be e tuka, e be e emetše Modimo wa therešo.

<sup>44</sup> Ka gona ke kgona go bona go tšwa go ntlosebo, yo motee ka sekorolo ka seatleng sa gagwe. Gomme o se neela go bahlomphegi ge ba dutše godimo ga tora ya go hlokomedišiša, ba šeditše dinaledi, gomme se sengwe le se sengwe se sepela ka khutšo ya go phethagala, bjalo ka ge se dirile bošego ka bošego, feelsa bjalo ka ge Modimo a se beile.

<sup>45</sup> Gomme ka mo, ge ba sa bolela ka mebušo ye e wago, ba badile karolo ya Daniele, yeo e rilego, “Ke bone go fihla letlapa le kgomolwa go tšwa thabeng, ntle le diatla, gomme la itia mebušo ya lefase gomme ya ba bjalo ka—bjalo ka mooko seboeng. Gomme letlapa le legolo le la phagamela go ba thaba ye ya go khupetša lefase lohle. Gomme mmušo wa Gagwe e tla ba mmušo wa neng le neng.” Dikholofelo tša bona nako ye tša tsošeletšega go ya go nako mebušo e tla tlogelago go wa, le ge mebušo e tla

tlogela go kgerešwa, ka gore go be go etla mmušo wa neng le neng o beilwego ke Modimo yo motee wa therešo wa go phela.

<sup>46</sup> Gomme ge ba be ba gopola ka dilo tše, ka Mangwalong, yo motee o swanetše go be a lebeletše godimo. Gomme fao go be go le mosetsebje magareng ga bona. Ba bone Seetša seo ba sego ba ke ba se bona pele. E be e le Naledi ya segoši yeo e sego ya ke, go fihla nako ye, ya ba, goba e sego ya ke ya tla ponagalong ya mahlo a mohlalefi. Eupša e be e le fao. Gobaneng? Mangwalo a swanetše go phethagatšwa.

<sup>47</sup> Le re, gona, “Ngwanešu Branham, a o nagana gore Modimo o be a tla šoma ka ba bohlale bale?”

<sup>48</sup> Beibele e boletše, ka go Bahebere tema ya 1 le temana ya 1, go re, “Modimo, dinakong tša kgale, ka mekgwa ya go fapano,” mehuta yohle ya mekgwa, “O boletše le botate.”

<sup>49</sup> Gape go ngwadilwe ka go Ditiro 10:35, go re, “Modimo ga a hlomphe motho, eupša O hlompha bao, ka go setšhaba se sengwe le se sengwe, ba ba hlologelago go Mo direla ka toko.” Le ge o le ka phošong, go le bjalo, ka go toko ya tšwe—tšwe tšweletše ya pelo ya gago gore o hlologela go direla Modimo, Modimo o tla hlompha seo. Kafao, kagona, dikereke tša maina ga di ne methalo ye di ka e beago, e ka emišago Modimo go thutotumelo e ka ba efe, ka gore Modimo o tla lebelela godimo ga maikaelelo a pelo ya motho, gomme fao O tla šoma go tšwa go lefelo leo.

<sup>50</sup> Gomme re hwetše gore ba bohlale ba, ba botegile ka pelong tša bona le go hlologela go bona Modimo yo motee yola wa therešo, gomme ba be ba lebeletše go seprofeto sa Gagwe go phethagatšwa, seo se rilego, “Morena o tla Mo tsošetše godimo le go dira...mmušo wa Gagwe o ka se be le mafelelo. E tla ba mmušo wa neng le neng.”

<sup>51</sup> E bile ka nako yeo mo Naledi, ye re e tsebago lehono e bitšwa Naledi, e ilego ya tšwelela ka lefaufaung. Ke kgona go eleletše gore ba bohlale bale, sammaletee, ba ile ba ema ba hloka molomo ge ba be ba lebeletše tiragalo ya Naledi ye e bego e fentše kgahlanong le melao ya tshepedišo ya letšatši, gomme e tlide go tšwa go dikgobokano tše kgolo tša mebele ya legodimo, go bega se sengwe ge se be se lokela go direga.

<sup>52</sup> Ke a holofela ntlheng ye le kgona go bala gare ga methalo le go tseba se re se rago, gore ka go letšatši le, Modimo o fentše kgahlanong le se sengwe le se sengwe, go ipega Yenamong, gore O a phela lehono, o tsogile bahung, ka go Mmele wa Ggagwe wo mogolo wa legodimo. Seswantšho mo sa Sephedi sa Gagwe se tla fenya kgahlanong le mohlokamodimo yo mongwe le yo mongwe ka lefaseng. O a phela go ya go ile. Modimo o dira dilo ka tsela ya Gagwe Mong, go se tlwaelege.

<sup>53</sup> Eupša, ba be ba šeditše dietša tša legodimo, eupša se Seetša se bonagetše se fapano go tšwa go tšohle tša tšona.

<sup>54</sup> Gomme re šeditše, lehono, dietša ka kerekeng. Re šeditše tša Methodist, tša Baptist, tša Pentecostal, tša Presbyterian, dietša.

<sup>55</sup> Eupša go bao ba Mo lebeletšego, go bonala go le Seetša sa go fapana se thoma go phadima, seo se Mmegago. “O a swana maabane, lehono, le go ya go ile.” Ka go bobotsebotse bjo bobotse bjo bogolo bja Gagwe le maatla, bja Mmele wa legodimo wo o rometšwego ka sebopego sa Moya wo Mokgethwa, ka go matšatši a a mafelelo a Kereke, go bega maatla a Gagwe a tsogo, gomme go ya go ile O ka go Seetša sa Gosafelego seo bjale se phelago magareng ga badumedi ba Gagwe. Oo, go botsebotse bjang go bona seo A se dirago!

<sup>56</sup> Gomme fale ge ba eme, ba gakgameretše, yo motee o be a sa kgone go bolela le yo mongwe, ka gore letago la Seetša se le be le ba gakgamatša.

<sup>57</sup> Oo, ka fao go lego lehono, mogwera wa ka wa go šokiša wa go onala, gore ge motho yo a sego a ke a tseba Maatla a Gagwe, go fa Seetša se seswa le go fa kholofelo ye mpsha, ge a sepelela ka go Bogona bja Motho yo Mokgethwa wa Kriste, ka tumelo ye e mo swara go gakgamala go bogoshi bja Gagwe. Ga se go swana le go sepelela aletareng le go fa modiredi seatla sa go ja, ebile ga se go swana le go ya ka mogobeng go kolobetšwa, goba go ema le legapi go fafatšwa. Ke go sepelela ka go Seetša se o sego wa ke wa se hlatsela pele. Ke kgwaparetšo ya tumelo ye Kgethwa ye e bitšago eng kapa eng e lego kgahlanong le Lentšu la Modimo mo o ka rego e be e sego. E bea Bophelo bjo boswa. E fa kholofelo go ba ba hwago. E fa tlhohleletšo go bafokodi. E fa phodišo go balwetši. E fa ditšhegofatšo go baseratwe. Go makatša bjang go gatela ka go Seetša sa Bogona bja Gagwe! Ga se nonwane. Ebile ga se se sengwe seo yo mongwe a nnogo ka senama, ka menaganong ya bona, ba se thala godimo. Eupša, ke go tla thwi ka go Bogona bja Kgoši ya Letago, Seetša sa Gosafelego sa Modimo wa go phela.

<sup>58</sup> Ge se sengwe se direga, se kgwaparetša kholofelo yela ka go wena, gore ga go tshwenye gore o hwetša go babja bjang, morago ga fao, ka go felela ga gwa lokela diabolo go go leka e ka ba eng go fapana. E kgwapareditše go ya go ile. Ga go tshwenye lenaba le ka go dira gakaakang go leka go phela bophelo bja go fošagala, o kgwapareditše go ya go ile, ka gore o gatetše ka go Bogona bja Gagwe, ka go Seetša se Sekgethwa seo se fetotšego bowena bja gago bja ka garegare le go bea pele ya lethabo la phološo, e lla ka pelong ya gago, ye lefase le sa tsebego selo ka yona, gore o fetile go tšwa lehung go ya ka Bophelong. Lehu le merithi ya lona le fofile go tloga go wena, gomme o ba sebopiwa se seswa ge o gatela ka go Seetša se Sekgethwa se.

<sup>59</sup> Ge ba bohlale bale ba be ba eme, ba gakgameretše, ge ba be ba šeditše Seetša sela, mafelelong ke kgona go kwa yo motee a re go yo mongwe, “Oo, a se ga se sekä se sebotsebotse gore se sengwe se kgauswi le go direga!”

<sup>60</sup> Therešo, lehono, gape, ge re etla ka go Bogona bja Morena Jesu, ke seká se Sekgethwa gore se sengwe se kgaušwi le go direga; go Tla ga Gagwe ga letago la bobedi go batametše.

<sup>61</sup> Gomme ge ba lebeletše, yo motee go yo mongwe, gomme morago ga lebakana... Ba Se šeditše, mohlomongwe, bošego bjohle. Ka fao Se bego se gadima! Se be se bonala se tagafetšetagafadi go feta dinaledi tše dingwe. Go be go bonala o ka re ba be ba sa kgone go tloša mahlo a bona go tloga go Sona, go lebelela go naledi e ka ba efe ye nngwe.

<sup>62</sup> Gomme ke na le nnete, ge re bona Seetša se segolo sela sa Gosafelego se phadima ka sefahlegong sa rena, re ka se lebelele go dikereke tša rena tša maina, go re, "Re Mabaptist, goba re Mapresbyterian, goba re Mapentecostal," goba e ka ba eng e lego. Re lebela feela go Seetša, gomme ra phela. Yena ke Seetša sa Gosafelego.

<sup>63</sup> Gomme ge ba be ba Se šeditše, ge letšatši mafelelong le hlabile... Go kgabola mosegare ba a robala. Ke ba šeditše ba dutše mokgotheng ka India, ka maoto a bona a ferilwe, dihlogo tša bona mmogo; bjalo ka ge nako ya mosegare ba tla robala, gomme nako ya bošego ba ya go šetša dinaledi, ba šeditše mosepelo wo mongwe le wo mongwe.

<sup>64</sup> Ke feela bao ba Mo lebeletšego ba tla Mmonago. Ke feela bao ba Mo dumelago ba tla ipshinago ka ditšhegofatšo tša Gagwe. Ke feela bao ba dumelago ka go phodišo ba tla amogelago phodišo. Ke feela bao ba dumelago ka go phološo ba tla e hwetšago. Dilo tšohle di a kgonega go bona ba ba dumelago. Eupša, sa pele, ga ya swanela go no ba kgopoloye senama ye e thadilwego. È swanetše go ba kutollo ya thwi e rometšwego go tšwa go Modimo a nnoši, gomme ge re šetša.

<sup>65</sup> Re a hwetša, bošego ka morago ga bošego, ba ile ba Se šetša. Ba ile ba Se ahlaahlia. Ba lebeletše go Mangwalo, le ka go puruputšeng. Ke kgona go bona yo motee a etla, gomme a re, "Sengwalwa se sengwe sa Seheberu se se. Se tšwa go yo mongwe wa baprofeta ba bona, ka leina la Biliama. Gomme o rile, 'Fao go tla tsoga Naledi ya Jakobo.'" Gomme ba bone Mangwalo a phethagatšwa. Oo, dipelo tša bona di thabile bjang!

<sup>66</sup> Gomme ka fao go tla dirago dipelo tša rena go thaba, go tseba gore ka go letšatši le lebe le re phelago ka go lona, go bona Lengwalo le lekgethwa la Modimo le phethagatšwa le go utollwa go rena bjalo ka Seetša se segolo sa go puruputšwa godimo ga borena.

<sup>67</sup> Ka gona, morago ga lebakana, ge ba Se šeditše, ka go se tlwaelege bošego bjo bongwe Sa thoma go sepela. Gomme ka mehla re sepela le Seetša. Gomme Seetša sa thoma go sepela go leba bodikela. Ka potlako ba thoma go laiša dikamela tša bona le mahumo a bona wohle. Ba tšere dimpho. Gomme ke kgona go ba bona ge ba tšea leeto la bona, ba latela Seetša, ka gore ba tsebile

gore e be e le Sephedi sa legodimo. Se swanetše go bonagatša Seetša se sengwe se segologolo.

<sup>68</sup> Kafao go bjalo lehono, mogwera, ge re bona naledi e phadima, re a tseba gore ke ponagatšo ya letšatši. Ge re bona ngwedi o phadima, re a tseba ke ponagatšo ya seetša se segologolo.

<sup>69</sup> Ge re bona kereke e phadima, re a tseba ke ponagatšo ya Seetša se segologolo, sa go se hwe le Seetša sa Gosafelego. Eupša ge re iphifatša renabeng, le go retolla dipelo tša rena, le go retollela tumelo ya rena kgole, le go re, “Matšatši a mehlolo a fetile, gomme ga go sa le selo se se bjalo ka tše gape,” re retolla magetla a rena go Seetša sa Modimo sa Gosafelego.

<sup>70</sup> Ge ba be ba tlaruma go ya pele, ke kgona go ba bona ba tlogela dithaba gomme ba eya go metheoga ya bodikela. Ba latetše metheoga go theogela go Noka Tigris, gomme fao ba latetše Tigris ye maatla pele go theoga go fihla ba etla ka Babilone, ba kgabola sebo ka Forate, go ya pele go theoga, gomme ba kekela ka dinageng tša Palestina. Ba hlalala! Ba be ba sepela bošego ka gore go be go fodile bošego, go bona go sepela go kgabola maganata. Selo se sengwe e be e le, dinaledi di be di phadima ka leswiswing, kafao ba be ba swanetše go latela Seetša. Gomme Seetša e be e le mohlalhi wa bona.

<sup>71</sup> Gomme ge ba etla godimo, mafelelong Sa tla Jerusalema. Eupša, ge Se thutše Jerusalema, Se ile sa tima. Ka bjako Se ile sa timelela ge ba thutše Jerusalema, ka gore e be e le nako ya bona nako yeo go phadimiša Seetša.

<sup>72</sup> Gomme go theoga go kgabola mekgotha ya go kgopama ya toropokgolo yeo, go theoga go kgabola mekgotha ya motsemošate wa kgale wa lefase, e nyakile; Jerusalema; nako ye nngwe setulo sa Melekitsedeke yo mogolo, moo baprofeta ba bagolo ba kgale le bangwadi ba boletsego bjalo ka wona. Eupša ka go bja bona bobodu, bja senama, bja kgakanego seripa, bophelo bja go hloka modimo, Seetša sa Ebangedi se timile.

<sup>73</sup> Gomme mo go be go le Bantle, ka toropongkgolo ya Bajuda, ba goelela, “O kae yo a tswetšwego Kgoši ya Bajuda? Ka gore re bone naledi ya Gagwe ka bohlabela gomme re tlile go Mo rapela.” A tiragalo ya go ratha ya letšatši le, O Tate wa kgaogelo, ge re lebelela le go nagana! Bajuda ba be ba robetše bjalo go fihla ba bohlale, Bantle ba bohlabela go tšwa dinageng tša kgole, ba sepela go ya go hwetša Kgoši ya Bajuda, gomme ba be ba sa tsebe selo ka yona.

<sup>74</sup> Lehono, Modimo o tšere monna wa go se rutege, bašemane le basetsana bao go molaleng ga ba ne go feta popopolelo ya thuto ya sekolo, ba phagamišeditšwe godimo ke maatla a Moya wo Mokgethwa, ba ba goelelago ka ditsebeng tša kereke, “O mo ka go maatla a Gagwe a magolo, go itatolla Yenamong le go dira go tsebja,” gomme kereke ga e tsebe selo ka yona.

<sup>75</sup> Ba tlie go fa tlhompho. Ba tlie go fa tlhompho go Kgoši ya dikgoši. Gomme kereke, ka go boroko bja yona bja kereke ya leina, ga e tsebe selo ka Yona. Ke basetsebje. Ka fao, ge dibata tše tša go thakgala, ka go matsaka a ka bohlabela a lekeletše go bona, le mekgabišo. Gomme bjalo ka ge Philon gatee a rile, “Ba be ba se dikgoši, eupša ba be—ba be ba le ba bagolo go lekanela go ba baeng ba go hlomphega ba Kgoši.” Gomme šeba, ba dutše mokokotlong wa diphoofolo tša segoši, ge ba eya go kgabola mekgotha, ba re, “O kae yo a tswetšwego Kgoši ya Bajuda?” Beibele e boletše go re, “Jerusalema yohle le Herode le yena ba tshwenyegile.” Bopaki bja bona bo huduile se sengwe.

<sup>76</sup> A ga se gwa befa lehono, gore kereke ga e kgone go phagamela ntle ga bošilo bja yona bja mediro ya yona ya thutamodimo, go bona maatla a wa go phela, Kriste yo a tsogilego le Letago la Gagwe; ge wa go se tsebe go bala, wa go se rutaäge, mosepelo wa dikereke tša maina tša mohlakanelwa o ratha lefaseng? Etlang le bone Letago la Modimo wa go phela. Moya wo Mokgethwa o wa feela bjalo ka ge O dirile mathomong. Mangwalo a swanetše go phethagatšwa, gomme se se mo ka mafelelong a nako.

<sup>77</sup> Ge ba bohlale ba ba be ba sepela go kgabola mokgotha, ba huduile go tloga go kgoši go fihla go serwalamerwalo, ka molaeša wo, “O kae? O mo kae?” Ba be ba se ne karabo. [Ngwanešu Branham o phapha diatla tša gagwe mmogo gabedi—Mor.]

<sup>78</sup> Gomme, lehono, ge diphatšamaru di swiela ka mafaufaung, ge maswao a go fedisamoka go felela a batametše; ge basadi le banna ba itahletše ka sebeng le go hloka modimo, batho ba a goelela, “Se se ra go eng?” Gomme kereke ga e na le karabo. O letše o robetše.

<sup>79</sup> Eupša Moya wo Mokgethwa, Seetša sa Gosafelego sa Modimo sa go se hwe, se mo go phadima godimo ga e ka ba mang a ratago le go kgona go Se amogela.

<sup>80</sup> Seetša se be se ile. Be be ba efa bopaki bja bona. Gomme mafelelong ba biditše Sanhedrin mmogo, bakeng sa kopano ya khansele. Gomme bahlomphegi le baprefeta ba tla ka gare, le moperfeta yo monnyane, moperfeta yo monnyane wa fasana, ka leina la Mika, seprofeto sa gagwe. Gomme ba boditše kgoši, “Go ngwadilwe, ‘Wena Bethlehema, a ga o yo monyennyane magareng ga bakgoma bohole ba Juda? Eupša go wena go tla tšwa Mmušiši yo a tla bušago batho ba Ka, Israele.’ Kagona, e swanetše go ba Bethlehema mo Kriste a swanetše go tswalwa, Kgoši ya Bajuda.”

<sup>81</sup> Gabotse, ga go yo a bego a ka ba botša mokgwa wa go fihla Bethlehema. Eupša ba tšwele ka sefero, gomme, ge ba tlogetše motsemogolo wola wa leswiswi, Seetša se tšweletše pele ga bona gape. Naledi e tšweletše. Gomme Beibele e rile, “Ba ile ba hlalala

ka lethabo le legolo la go fetiša.” Ba swanetše go be gabotse ba ile ba goelela gannyane. Ba ile ba thaba ka lethabo le legolo la go fetiša. Ba be ba fenyegile ka maatla. Bona . . . Naledi e tšweletše go ba etellapele go ya go bofihlo bja bona bja mafelelo bja leeto la bona.

<sup>82</sup> Ba ile ba E latela. Bjale ba ile ba E lemoga e lekeletše fasefase go feta ka fao E bego e le. E no ba kgauswiuswi gannyane bjale. Gomme mafelelong ge . . . Ba ile mmogo, ba hlaletše le go tumiša Modimo, go kgabola bošego, ba etilwepele ke seatla sa Morena. Eupša mafelelong Naledi ya tla go setala se sennyane, e bego e le lefelo le lennyane ka patogeng ya thaba, lewa, gomme fao Naledi e ila ya khutša godimo ga lewa. Gomme bahlale ba maatla ba, ka godimo ga ngwaga le dikgwedi tše tshela ka leetong la bona, tseleng ya bona, ba sepela, ba šeditše, ba sa latele selo go se mošupatsela yo mongwe eupša Naledi. Gomme ge E khutsitše, ba ile ka gare gomme fao ba hweditše Lesea, Josefa le Maria. Gomme ba tlišitsše dimpho go tšwa polokelong ya matlotlo a bona. Ba Mo file, gauta, ditlolo le diorelo.

Ge re be re no ba le nako! A re emeng motsotso.

<sup>83</sup> Na gauta e be e emela eng? O be a le Kgoši. O be a sa tle go dirwa Kgoši; O be a tswetšwe e le Kgoši. O be a le Kgoši ya Modimo ya Gosafelego. O be a le Kgoši, ka fao ba neetše gauta.

<sup>84</sup> Gomme ba neetše ditlolo. Ke senkgišamonate, se tura kudu, se sekaoeckaone se bego se ka kgona go hwetšwa. Na setlolo se ra go reng, senkgišamonate? O be a le monko monate wa bose go Modimo, ka gore O ile go dikologa a fodiša balwetši le go dira botse. Gauta, gobane O be a le Kgosi. Setlolo, ka gore O be a le monko monate wo bose go Modimo. Bophelo bja Gagwe bo Mo thabišitše bjalo, go fihla Modimo a hemela ka gare bokgethwa le botse bja Gagwe, ka gore e be e le bokgethwa bja Gagwe Mong bo bonagatšwa ka go Yena.

<sup>85</sup> Oo, ge re ka kgona go ba monkomonate wo bose, ge bokgethwa bja Modimo bo ka kgona go bonagatšwa ka go renatse; go fihla re eya go dikologa re dira botse, bjalo ka Jesu wa Nasaretha, go fihla e tla ba monkomonate wo bose go Morena.

<sup>86</sup> Eupša, re a nganga, re a phegišana, re a kgorometšana, re a belaela, ke baka leo e bago monkgo wo mobe ka mašobeng a nko ya Modimo. Maphelo a renatse a be a le ka gare le ka ntla ga mafelo a kgale re bego re se ra swanelo go ba. Re bolela dilo tše re sego ra swanelo go di bolela. Re dira dilo tše re sego ra swanelo go di dira. Re a ngangana le go tše mahlakore le lefase, le go gana Kriste ka go dinakwana tše kgolo tše bohlokwa. Ke lebaka le re ka se kgonego go ba monkomonate o bose.

Eupša, O be a le, gomme ba bohlale ba mo file setlolo.

<sup>87</sup> Bjale ba Mo file seorelo, gape. Gomme mang kapa mang o a tseba seorelo se tura kudu eupša ke segwere sa go galaka. Seorelo, na seorelo se be se emela eng? Sehlabelo sa Gagwe se

segolo sa godimo. Go pšhatlaganywa ga Gagwe ntle, bophelo bjo boswa, mo Khalibari, moo dibe tša lefase di Mo šitšego go ba ditshetlana. Gauta, ka gobane Kgoši. Setlolo, sa bobose bja Gagwe, bophelo bja lerato. Gomme seorelo, ka baka la sehlabeledo sa Gagwe bakeng sa badiradibe, ba A ba hwetšago. “Fao O gobaditšwe ka baka la dikarogo tša rena, o tlapirigantšwe ka baka la makgopo a rena. Kotlo ya khutšo ya rena godimo ga Gagwe, gomme ka megogoma ya Gagwe re fodišitšwe.” Ke ka baka leo ba Mo neetšego seorelo.

<sup>88</sup> Ka go sebotšwa ke Modimo ka torong, ba ile ka tsela ye nngwe. Ga se ba ke ba boa morago, eupša la bona—leeto la bona le be le feditšwe. Naledi e be e feditše lebaka la Yona.

<sup>89</sup> Na Naledi e ra eng go rena, lehono, mogwera? Daniele o re fa karabo, Daniele 12:3. E rile, “Bao ba lego bohlale le go tseba Modimo wa bona ba tla phadima bjalo ka leratadima la legodimo; gomme bao ba bušeditšego ba bantsi go lokeng ba tla phadima bjalo ka dinaledi go ya go ile le go ya go ile.”

<sup>90</sup> Ke rena eng, lehono, gona? Re dinaledi. Mokriste yo mongwe le yo mongwe a tswetšwego gape ke bopaki go Morena Jesu Kriste, naledi go bonagetše maatla le bokgethwa bja Morena Jesu; go Mmonagatša ka bophelong bja gagwe; go mo phethagatša ka go polelo ya Gagwe, go mo phethagatša ka go maatla a Gagwe a phodišo, go mo phethagatša ka go tsogo ya Gagwe; go Mmonagatša ka tsela ye nngwe le ye nngwe ye A bonagaditšwego go rena ke Modimo Tate. Re dinaledi.

<sup>91</sup> Šetša! Ke mohuta mang wa naledi o swanetšego go ba? Naledi ye e be e sa hlahlwe ke maatla a Yona mong. E be e hlahlwa ke maatla a legodimo a Ramaatlakamoka Modimo. Gomme ge eba re ka tsoge re bonagatša badiradibe go Kriste, re swanetše go hlahlwa ke Moya wo Mokgethwa. Baroma 8:1, e rile, “Ka gona bjale ga go go lahlwa go bona ba ba lego ka go Kriste, bao ba sa sepelego go ya ka nama eupša go ya ka Moya.” Ge re eya go ba naledi, go bonagatša Seetša sa Kriste, go tliša badiradibe go Yena, re swanetše go hlahlwa ke Moya wo Mokgethwa. Therešo!

<sup>92</sup> Gomme re ka se kgone go ba ba tlwaelo. Re swanetše go ba ba go se tlwaelege. Re ka se kgone go ba ba tlwaelo, ka gore batho ba Modimo ke batho ba šele. Ba bile, go kgabola mabaka.

<sup>93</sup> Le ge e be e le šele, go le bjalo Naledi e be e le bohlale. E sego bohlale ka go thuto ya lefase, ditaba tša lefase, eupša bohlale bjalo ka sehlabeledo pele ga Morena. Re ikala ka borena beng, bjalo ka ba bohlale ba dirile ka Bogoneng bja Kgoši ya dikgoši, go bonagatša Seetša sa Gagwe.

<sup>94</sup> O naledi. Mokriste yo mongwe le yo mongwe ke naledi, go hlahlha balahlegi, go hlahlha balapi, leoto la mosepedi, go bao ba nyakago. Ka gona, naledi e ka se kgone go hlahlwa ke yonamong, e swanetše go etwapele ke Moya. E swanetše go bonagatša

bohlale bja Modimo ka bophelong bja yona, go tloga go dilo tša lefase, le go phela bomodimo le go hlapogelwa ka go bophelo bjo bja bjale. E swanetše go bonagatša Seetša sa yo Motee yo mogolo wa yona se se phadimilego.

<sup>95</sup> Re swanetše go dira eng gona? Go tsoga, le go phadimiša Seetša sa Modimo go ba ba hwago. Ka go botebo bja leswiswi bja lefase le, re swanetše go bonagatša le go phadimiša Bogona bja Morena Jesu ka go maatla a go tsoša a Gagwe. Bjale ka ge A le maabane, kafao ke Yena lehono, go Mmonagatša.

<sup>96</sup> Eupša elelwang, gona, Naledi, gape, ge e feditše lebaka la yona, ga e tsee tlhompho. Naledi e nno tliša banna go bofihlo bja bona, le go ba laetša Seetša sela sa go phethagala.

<sup>97</sup> Gomme rena, bjalo ka maloko a Mmele wa Kriste, mosong wo, bagwera, re dietša tša Modimo, eupša ga re tsee tlhompho go renabeng. Ge re bile le wa rena—molwetsi wa rena, le wa rena—wa rena . . . motho yo re mo etellagopele; ge re na le bona, re swanetše go itlhompholla renabeng le go ba etellapele go ya go “Seetša se segolo le go phethagala se se phadimago, go bonega tsela ya motho yo mongwe le yo mongwe yo a tlogo ka lefaseng,” Morena Jesu Kriste. E sego nonwane ye e bitšwago Santa Claus, e sego kereke ye nngwe ka kereke ya leina; eupša Seetša sela sa therešo sa go phethagala, Jesu Kriste, Morwa wa Modimo wa go phela.

A re rapeleng.

<sup>98</sup> Ka dihlogo di inametše leroleng mo Modimo a go tšerego go tšwa gona; letšatši le lengwe, ka nnete ka fao dinaledi di phadimago bošego, le letšatši le phadima mosegare, o ya morago leroleng lela. Ge o le mo, godimo ga thapama ya Krisemose, gomme o rata go ba le Moya wo Mokgethwa go go etellapele go ya go Mophološi, le go Mo amogela ka mokgwa wo mobjalo, a o ka no phagamiša seatla sa gago go Yena le go re, “Modimo, eba le kgaogelo go nna. Phadima godimo ga tsela ya ka ge ke sepela letšatši ka letšatši. Gomme nketepele, mafelelong, go ya go Seetša sela sa go phethagala, gore bophelo bja ka bo kgone go tswalagana le bja Gagwe gomme ke tla ba le sa go se hwe, Seetša sa Gosafelego.”

<sup>99</sup> Morena a go šegofatše, kgaetšedi wa ka morategi; le wena, kgaetšedi wa ka; wena, ngwanešu wa ka; wena morago fao, ngwanešu; le wena, kgaetšedi; le wena, ngwanešu wa ka. Modimo o bona diatla tša lena. Oo, wena kgaetšedi, Morena o a go bona. Ee, godimo mo, mohumagadi, Morena o a go bona, nnete.

<sup>100</sup> “O Jesu, romela pele Moya wo Mokgethwa mosong wo, šupetša tsela bophelo bja ka bja go šokiša bja go se hlahlwe gabotse. Ke kitimile le go tšoena kereke e tee; ke be ke le Mokatoliki, gomme morago ke bile Mobaptist, gomme morago ke bile Mopresbyetrian. Ke ile go Pentecostal. Ke nno ya mogohle. Gomme ke tlide go hwetša ntle, Morena, ke—ke no makala; ga ke

tsebe mo ke emego. Eupša dira Mmele wola wa legodimo, dira Sephedi sela sa legodimo sa Naledi ya Meso, Moya wo mogolo wa Modimo, o nketellepele lehono go ya go lefelo lela ka go Yena mo ke nyakago go ba, mo ke tla kganago go dira pelo ya ka legopo le go belega yo Motee yola; gore A kgone go nketapele go kgabola merithi yohle, meedi ya merithi ya lehu, gore nka se be le poifo ge ke etla tlase go tsela yela.”

<sup>101</sup> A go ka ba yo mongwe feela pele re tswalela? Modimo a go šegofatše, mohlomphegi; le wena, mohlomphegi; le wena, mohlomphegi. Ee, e be e le nako ye kgolo ya banna, mohlomphegi. Ye nngwe bontši e be e le basadi; ye nako e bile banna ba phagamišitše go diatla tša bona. Nnete, e bile banna ba bohlale ba tlidego, ba puruputša, ba latela Seetša. Modimo o a go nyaka. Yo monnyane Mar- . . .

<sup>102</sup> Maria yo monnyane le Josefa ba ile ka toropongkgolo, gomme fao Jesu a tswalwa. Ka nako ye ba bohlale ba fihla, ba be ba etla nako e telele, eupša mafelelong ba tlie go sehlowa sa bona se segolo, Naledi e ba etilepele. Bjale o be o nyaka go ba Mokriste lebaka la nako ye telele, mohlomongwe o tsero leeto le letelele. Se ke sehlowa mosong wo, mohlomongwe, gabjale o tla Mo amogela bjalo ka Mopholosi wa gago ge o Mmelega ka pelong ya gago. Yo motee gape, pele re tswalela pitšo ye ya aletara? Morena a go šegofatše. Gabotse kudu. Ke a go leboga.

<sup>103</sup> Gomme bjale ke ba bakae ba ka rego ka mo, “O Morena, bjalo ka ge ke boditšwe ke Mangwalo, ao a sa kgonego go palelwa, gore ka seorelo se seo se neetšwego Wena, se emetše ka mola, go tšhollelwa ntle ga bophelo bja Gago. ‘O gobaditšwe bakeng sa dikarogo tša rena, ka megogomo ya Gago re fodiitšwe.’ O tlaišegile go otlwa ga go galaka koteng ya go otlwa, gore megogoma ya Gago e re fodiše. Ke hloka maatla a Gago a phodišo, lehono, Morena. A o ka no tloša go bophelo bjaka dipelaelo tšohle? E tloše go nna, gore nka se tsoge ka belaela gape. Gomme a nke ke tle ka go kokobela go Wena, feela bjale, le go Go dumela bakeng sa phodišo ya ka.”

<sup>104</sup> A o ka phagamiša seatla sa gago, gore, o motho wa go babja? Morena a go fe kgopelo ya gago, mogwera wa ka morategi.

<sup>105</sup> A o ka Mmelaela? Kgonthe aowa. O eme lehono bjalo ka Ngwana wa Paseka goba . . . bjalo ka ngwa—ngwa Ngwana wa Krisemose, Morwa wa Modimo, yo Motee wa go lekanelamoka. O kgotsofatša senyakwa se sengwe le se sengwe. O kgotsofatša tlhoko ye nngwe le ye nngwe o e hlokago. E no Mo amogela. A re botšwa go dira eng ka Beibeleng? “Beang diatla godimo ga balwetši gomme ba tla welwa ke maruru.”

<sup>106</sup> Bjale, Tate wa Magodimo, ke tliša go Wena sehlopha se sennyane se sa batho se O se rometšego ntle mosong wo go kwa Molaetša wa Naledi. Kafao O šoganago le motho wa mesepelo yohle ya bophelo! O šogana le segatamoroko. O šogana le

letagwa. O šogana le rasaense. O šogana le mosadi wa lapa. O šogana le modiredi. O šogana le leloko la kereke. O Modimo. O yo mogolo kudu go fihla go se yo a ka Go efogago. Gomme bao ba hlokofetšego ka pelong ya bona, O laetsa kgaogelo go bona ba ditšhaba tšohle le ditumelo tšohle.

<sup>107</sup> Kafao re a Go leboga mosong wo ka bao ba phagamišitšego diatla tša bona, masome a mabedi goba a mararo, nka akanya. Gomme ke a rapela, Modimo, gore yona nakwana ye, feela bjale, gore se segolo sa Gosafelego le sa go se hwe Seetša se tla hlaba ka gare godimo ga soulo ya bona, gore ba tla hwetša khutšo yela ya monagano ye ba bego ba e hlogetše le go e puruputša, ka go tšoena dikereke le—le go ya go kgabola ditirelo tše di itšego. Eupša a nke Moya wo Mokgethwa o phadime godimo ga bona.

<sup>108</sup> Bjalo ka ge Jesaya a rile, “Batho ba ba dutše ka go leswiswi la kgotlombo, eupša Seetša se segolo se phadimile godimo ga bona.” Efa, Morena, gore fao seprofeto se se swanetše go phethagala lehono ka go dipelo tše tše di Go hlogetšego. Efa go bona khutšo yela e fetago tlhaologanyo yohle, le go ba fa kgotsofalo ya go phethagala gore ba kopane le Wena gomme ba boletše le Wena, le go neela go Wena maphelo a bona, wohle a robegile le go kgeiga; gore Wena, ka gauta ya Gago, setlolo le seorelo, o tla ba fodisa le go dira batho go bona, dibjana tša go hlomphega bakeng sa letago la Gago Mong. E fe, Morena.

<sup>109</sup> Gomme bjale go balwetši le batlaišwa, go na le taelo ye O re filego, gore re rapele le go bea diatla godimo ga bona. Gomme O rile, mantšu a mafelelo ao a welego go tšwa go dipounama tša Gago tše bohlokwa, “Eyang ka go lefase lohle gomme le rere Ebangedi. Maswao a a tla latela bona ba ba dumelago; gomme ge ba bea diatla tša bona godimo ga balwetši, ba tla welwa ke maruru.”

<sup>110</sup> Re tseba ka yo motee, mosetsana morategi yo monnyane a robetšego mo, yo a fofisitšwego ka tumelo ke baratwa go tšwa Florida, gomme o ka go legato la go šiiša kudu feela bjale. Ge, ba bantši ba bahlanka ba Gago ba rapetše. Gomme—gomme dingaka tše ntši di lebeletše gona gomme tša šišinya dihlogo tša tšona, le go re, “Fao go ka se be le selo gape.” Eupša ke thabile kudu gore mme yo monnyane, le bao ba amegago, ga ba rate go tše seo bjalo ka karabo. Ba ikemišeditše go bona letlapa le lengwe le lengwe le tokološwa godimo. Ge ba ka kgonona feela go hwetša go ratwa ke Modimo wa go phela, morategi yo monnyane wa bona o tla dirwa go fola, gomme o tla phela. Oo, e fe, Morena, mmogo le ba bangwe ba ba dutšego mo.

<sup>111</sup> Ba bantši ba dutše mo mosong wo, ba ba ka kgonago go tsoga gomme ba fa bopaki bjalo ka ge ba bohlale ba dirile, “Re bone naledi ya Gagwe ka bohlabela.” Ba bantši ba ka kgonona go tsoga le gore, “Re latswitše go loka ga Gagwe, gomme re ikwetše maatla a Gagwe a phodišo,” ao a tlošitšego go tšwa mebeleng ya bona,

kankere, le mahlo a a foufaditšwego, le ditho tše di golofetšego, le mehuta yohle ya malwetsi. Gomme re goelela ditumišo tša Gagwe, ka ntlhoreng ya mantšu a rena, go kgabola ntle setšhaba, Morena.

<sup>112</sup> A nke ba, mosong wo, bana ba Gago ba ba lego mo lehono bjale, ba be ka mokgwa wo bjalo batšeakarolo ba ditšhegofatšo tša Gagwe. Ge re dira mešomo ya rena bjalo ka badiredi, go rapela le go bea diatla godimo ga bona, efa, Morena, gore ba tla fodišwa Leineng la Morwa wa Gago, Morena Jesu, Yo a rilego, “Kgopelang Tate eng kapa eng Leineng la Ka, Ke tla e dira.” Re ka kgona go e belaela bjang, ge Modimo a e boletše? Feel a therešo bjalo ka diprofeto tšela tša Daniele e swanetše go phethagatšwa, ka therešo bjalo ka ge Modimo a phela, Lentšu le lengwe le le lengwe le swanetše go phethagatšwa. Gomme ke a rapela gore O tla e fa bakeng sa letago la Gagwe. Amene.

<sup>113</sup> Ke go tumelo ya ka ya go kokobela kudukudu, le tlhokofalo le go loka ga pelo ya ka, gore ge banna le basadi mo ba le phagamišitšego seatla sa lena go amogela Morena Jesu bjalo ka Mopholoshi wa lena wa sebele... Ke a tseba ke setlwaedi go tliša batho aletareng. Seo sohle se lokile. Ga ke na le selo kgahlanong le sona. Eupša go tla aletareng, o ka kgona feela go dira selo setee, seo ke, go botša Modimo o a leboga O go phološitše. Ka gore, motsotsuo ge o era se o se bolelago, ge o phagamiša diatla tša gago, Modimo o go amogela godimo ga bopaki bja gago thwi nako yeo. O fentše kgahlanong le melao ya kgogedi ya lefase, gomme go no swana le Naledi yela ya go ngangaba kgahlanong le melao ya tshepedišo ya letšatši.

<sup>114</sup> Tshepedišo ya letšatši e sepela go ya ka tlwaelo. Ke tsela ye e swanetše go sepela. Eupša Naledi ye e nganabetše le yona, go feta thwi bokagodimo ga yona yohle, ka gore Modimo o be a dira go etellapele.

<sup>115</sup> Lehono tlwaelo ya go tlwaelega e bolela go re ba bantši ba lena mo ba swanetše go hwa. Ngaka o dirile tšohle a kgonago go di dira. Ke nnete. Eupša Moya wa Modimo wa go phela o fenya kgahlanong le seo, o rile, “Ke tla go tšea go kgabola.” O se ke, e ka no se direge ka motsotsvana. Ba kgotleletše, ka go bona Yena yo a bego a sa bonale. Abraham o filwe tshepišo, gomme o letile masomepeditlhano a mengwaga pele e direga, eupša o matšreditše pele le go bitsa e ka ba eng e bego e le kgahlanong le tshepišo mo o ka rego e be e se.

<sup>116</sup> Ke be nka se eme mo ka thapama ye ya Krisemose le go bolela dilo tše pele ga sehlopha se sennyane se sa batho ge ke be ke sa tsebe se ke bego ke bolela go tšwa go sona.

<sup>117</sup> Maabane, mosadi a ka no ba gona, leina la gagwe ke Mdi. Wright. A o mo, go tšwa New Albany, Mdi. Wright? Ba bantši ba lena ba ka be ba mo tseba. O, ke a dumela, mosadi wa go tsebega ka New Albany. Tirelo ya mafelelo ya phodišo mo, fao... Ke be

ke sa tsebe; e be e le ka tlase ga tekolo. [Ga go selo godimo ga theipi—Mor.]

<sup>118</sup> Lamorena la go latela, Morena ge a rata, re ka no leka tekolo. Re ka se kgone go e hwetša ka Lamorena mosong, gabotse, ka gore le bone Lamorena la go feta mosong, bjalo ka beke, se se diregilego. Le a bona, batho ga ba tsene ka mo ka nako go bewa ka mothalo, le go ya pele, ya moso, ka gore o na le dibjana tša gago go di hlatswa, le go ya pele. Eupša, Lamorena bošego, re ya go e leka mohlomongwe Lamorena le le latelago bošego, Morena ge a rata.

<sup>119</sup> Ge tekolo e be e kgatlampana, feela taba e tee ke nyakago go e bolela, thwi morago ga ge ke le botša ka Mdi. Wright.

<sup>120</sup> Ga se a ke a kgora go fihla mo. Dingaka tša New Albany, nka kgora go bitša maina a bona, eupša e ka no se be bohlale go dira bjalo, ka gore dinako tše ntši ga ba nyake go, wena go dira seo. Re leka go phela ka khutšo le motho bohole, bokgole bjo bo kgonegago.

<sup>121</sup> Gomme re rata dingaka tša rena. Dingaka, mohlomongwe, ba dutše mo mosong wo. Ke na le bagwera ba bantši ba ngaka, monna wa go loka, monna wa Mokriste wa go tshepa Modimo. Ga se bafodiši; ba no ba motho. Gomme se ba kgonago go se dira, mmeleng, ba tla se dira. Ba no thuša tlhago. Ga ba...Ba Bea lerapo; ba tloša sešitiši, se sengwe go swana le seo. Eupša Modimo o swanela go hlola dissele. Modimo ke Yena a nnoši a kgonago go fodiša, goba—goba go aga thišu; ga go sehlare se ka e dirago.

<sup>122</sup> Bjale, mosadi yo o be a na le madi a go kgahla ka pelong ya gagwe. O be a le go bomasometshela ga gagwe. O be a rurugile gampe go fihla gape a le yo mogolo go feta ge a be a le ka tlwaelo. Gomme ba biditše ka mogala, gomme mosadi wa ka o ntliša mogaleng, le go re, “Billy, ba...mosadi o nyaka go bolela le wena, ka New Albany.”

<sup>123</sup> Ke rile, “Gabotse, kgaetšedi, e tla godimo, mosong wo. Re ya go ba le tirelo ya phodišo godimo ka tabarenekeleng.”

<sup>124</sup> O rile, “Ngwanešu morategi wa ka,” o rile, “ke duma ge nka mo tliša, eupša ga a kgone le go šutha.” Gomme a re, “O a hwa thwi bjale.” Gomme a re, “Ga go kholofelo bakeng sa gagwe.” Gomme a re, “Re kwele ka dilo tse kgolo tše Modimo a di dirilego ka dithapelo tša gago. A o ka se mo rapelele? A o tla tla?”

<sup>125</sup> Ke rile, “Nka se kgone go tla. Eupša a o ka kgora go bea mogala go tsebe ya gagwe?”

<sup>126</sup> O rile, “Ke a dumela nka kgora go šuthišetša mpete wa gagwe godimo.” Gomme o ile a šuthišetša mpete godimo, gomme ka hwetša mosadi; a sa kgone le go bolela.

<sup>127</sup> Ke rile, “Ge o ka dumela!” Tumelo ke kholofelo ya dilo tše di holofetšwego. E sego se o nogo se nagana; eupša seo ka kgonthe o se tsebago. Tumelo ke . . .

<sup>128</sup> Ke boletše Lamorena le lengwe, “Ge ke be ke swerwe ke tlala go iša lehung, gomme ka kgopela . . .” Llofo e tee ya borotho e be e tla pholosa bophelo bja ka, gomme wa mpha disente tše masomepeditlhano; ke be ke tla hlalala go no swana le ge ke be ke na le borotho, ka gore go ne borotho bjo bontši.

<sup>129</sup> Gomme go na le maatla a mantši a go fodiša. “Ge o ka kgona go dumela,” ke disente tše masomepeditlhano; nka kgona go hlalala. Ka gore, mohlomongwe borotho bo dimaele tše lesome go tloga go nna, eupša, ge ke na le disente tše masomepeditlhano, tumelo ke kholofelo ya dilo tše di holofetšwego. Ke nno thaba ka disente tše masomepeditlhano tše mo o ka rego ke be ke ej a borotho, le ge ke na le ditsela tše telele tša leeto bjalo; go ya go kgabola maši a dinokana, go kgabaganya matšibogo, le godimo ga tsejanamaoto, le go theoga megola ya mefoeye, le godimo go putla thaba. Nka no swarwa ke tlala kudu nako yohle, go fihla ke hwetša dikerempe; ke swerwe ke tlala kudu. Eupša ke a hlalala nako yohle, ka gore ke swere disente tše masomepeditlhano, theko ya llofo ya borotho, ga go tshwenye maemo ke a fe.

<sup>130</sup> Abrahama o hlaletše lebaka la mengwaga ye masomepeditlhano, a swere tumelo ka pelong ya gagwe gore Modimo o be a kgona go dira se A se tshepišitšego. Gomme o hweditše se a bego a se kgopetše.

<sup>131</sup> Morategi moratwa fao, kgaetšedi. Ga go tshwenye gore mabaka ke afe, tše disente tše masomepeditlhano tše, tumelo yela, t-u-m-e-l-o. Tše yeo ka diatleng tša gago, e tše ka pelong ya gago, e re, “Ga go tshwenye se se diregago . . .” Bjale o ka se itiriše go dumela. O swanetše go dumela ka kgonthe. “Ngwana wa ka o tla phela, ka gore ka pelong ya ka . . . Modimo o dirile tshepišo, gomme ke na le tumelo ya go e dumela.” Gomme ka gona se sengwe le se sengwe gape e ba kganetšo. Le a bona? Modimo o e dira e sepelele thwi ka go seo—sekgao seo.

<sup>132</sup> Mosadi yoo o mpiditše maabane. Ba bangwe ba bona ba arabile mogala; ga se a ke a o tše. Mosadi wa ka o ile mogaleng; ga se a ke a o tše. O be a nyaka go bolela le nna. O rile, “Ngwanešu Branham, ke tumiša leina la gago.”

Ke rile, “Leina la ka? O direla eng seo?”

O rile, “Oo, ge feela o ka no kgona go mpona!”

Ke rile, “Gona tumiša Modimo, O bile Yena Yo a e dirilego.”

<sup>133</sup> O rile, “Fao dingaka ga di kgone go hwetša ebile le seripana go kgahla mola ga madi. Go šwalalane gomme go sepetsé. Gomme ke sekeng, ke sepela tikologong ka go phelega mo gobotse, go phelega mo go kaonekaone ke bego ke le ka go gona mengwageng.” Leina la gagwe ke Mdi. Wright. O a phela bjale . . .

O mpoditše leina la gagwe la pele. Felotsoko ka New Albany, ga ke tsebe feels bjale.

<sup>134</sup> Ka tlase ga tekolo, Lamorena la go feta, e be e le beke, ke be ke eme mo, ke rile, “Ga ke nyake le yo motee wa batho ba tabarenenekele. Ke nyaka bao e sego ba tabarenenekele. A nke Moya wo Mokgethwa o bolele.” Eupša ka mokgwa wo mongwe, tsela morago felotsoko ka go lehlakore le tee goba le lengwe, go be go le moisa yo monnyane ka leina la Hickerson, rena bohole re tseba Ngwanešu Hickerson. Ke mphaphahlogo wa mmapale ka kgontha wa mogau wa Modimo. Gomme o be a khukhuna fase ka tlase ga batho ba bangwe. Ke be ebile ke sa mo tsebe. Eupša Moya wo Mokgethwa o bile le yona yohle e beilwe. O be a lebeletše go kgabola letsogo la monna yo mongwe, a dutše morago kua, gomme ke be ke sa tsebe gore o be a le mang.

<sup>135</sup> Gomme ke rile, “Moisa yo monnyane a ntebeletšeego, go kgabola letsogo la monna yola. O rapela ka moratwa, ke a dumela, ngwanešu goba sebare, goba se sengwe, yo a lego ka lefelong la digafa; o hlakane hlogo, gomme ga go dikholofelo go yena go ka tsoge a welwa ke maruru.” Gomme O rile, “GO RIALO MORENA. O tla welwa ke maruru.” Gomme moisa yo monnyane a e dumela, go le bjale ga se ke tsebe selo ka yona lebaka la matšatši morago ga fao.

<sup>136</sup> Gomme maabane ba mo lokolotše go tšwa go lefelo la digafa ka Kentucky, bjalo, “ka go phethagala, go ba sekeng, monna wa go fola.” Gomme ngwana wa bo rena moreri yo monnyane wa Methodist, Ngwanešu Collins, mphaphahlogo wo mongwe wa mogau wa Modimo. A ka no ba fa mosong wo. Bobedi bja bona, bohole ba bona, ba ka no ba fa. O tlie ntlong ya ka bošego bja go feta, le Ngwanešu Palmer go tšwa Georgia, gomme ba be ba mpotša gore mošemaneyo o fetile kgaušwi, tseleng ya gagwe go ya Louisville, morago ga go lokollwa go tšwa go lefelo la digafa. O phološitšwe, le yena, gomme o be a eya tlase go dira pušetšo go diphošo tšohle tša gagwe a di dirilego; mphaphahlogo. Mogau wa Modimo wa go se hwe!

<sup>137</sup> O a swana maabane, lehono, le go ya go ile. O se dumelele lenaba go go radia. Go na le Seetša sa go se hwe se a phadima; Seetša seo sa go se hwe ke Jesu Kriste, Morwa wa Modimo. Dumela go Yena. E kgwaparetše ka pelong ya gago. E amogele bjalo ka tumelo.

<sup>138</sup> A re rapeleng le go tseba, go bea diatla godimo ga gago, go go tlotša ka oli, šetša se Modimo a tla se dirago, ga go tshwenyé gore maemo ke afe.

<sup>139</sup> Jesu o rile, ka go Mareka 11:24, O rile, “Ge o ka re go thaba ye, ‘Tomolwa gomme o lahlelwé ka lewatleng,’ gomme wa se dikadike ka pelong ya gago, eupša wa dumela gore se o se bolelagoo se tla phethega, o tla ba le se o se bolelagoo.”

<sup>140</sup> Bjale a ke tsopole lexicon, yeo ke Segerike sa setlogo. Ye ke tsela ye e balegago. “Ge o ka re go thaba ye, ‘Kukelwa godimo gomme o lahlelwe ka lewatleng,’ gomme wa se dikadike ka pelong ya gago, eupša wa dumela gore se o se boletšego se tla tla go phethega, o ka kgona go ba le se o se bolelago.”

<sup>141</sup> Ge o rile, “Thaba, šuthišwa,” gomme e sa eme fale, o re, “Gabotse, ga se ya direga”? Oo, e diregile. Ge o rile, “Thaba, šutha,” mohlomongwe thoro e tee ye bohlokwa ya lešabašaba e tlemologile, go tswa go makgolo a dibilione le dibilione tša ditone. Thoro e tee ye nnyane e suthile, eupša e thoma go direga. Swara tumelo yeo gomme o bogele thaba yela e timelela. Nnete.

<sup>142</sup> O tla re ka pelong ya gago, “Bolwetši, šutha go tloga go ngwana wa ka. Bolwetši, šutha go tloga mmeleng wa ka, Leineng la Morena Jesu,” gomme se dikadike. Thwi fao twatši ya go loka e tšea tlhamo ye mpsha le sebetša se seswa, gomme lenaba le thoma go katakata. O a fenywa ka gore Kriste, ka go nweng seorelo sa Gagwe mo Khalibari, o fentše diabolo le a mangwe le a mangwe a maatla a gagwe. Gomme O mo hlobotše thoso go se sengwe le se sengwe a bego a na le sona, gomme ga se selo eupša mofori; a ka kgona go feta ka yona, o tla e dira.

<sup>143</sup> Re ikemišeditše, ka mogau wa Modimo, go rera Ebangedi le go bonagatša Seetša sa Gagwe go fihla A etla.

<sup>144</sup> Bjale, Morena, ka moka go go Wena. Bjale re tla bitša batho ba, gomme a nke Moya wo Mokgethwa o tle go tabarenekele ye nnyane ye le go dira tumelo ka go pelo ye nngwe le ye nngwe, ge ba ema le go tla kgauswi go feta mo go rapelelwa. A nke ba tlogue lehono gomme ba dire bjalo ka banna bale ba bohlale; ge ba bone Naledi gape, morago ga sekgebana sa leswiswi, ba ile ba hlalala ka lethabo le legolo go fetiša; gomme a nke batho ba, bjalo ka ge ba tlotšwa le go rapelelwa. Jakobo o boletše, ka go Ebangedi, “Bitšang bagolo gomme a ba ba tlotše ka oli le go rapela godimo ga bona. Thapelo ya tumelo e tla phološa molwetši.” A nke batho ba hlalale ka lethabo le legolo la go fetiša, ka go tseba gore tumelo ya Modimo e phuleeditše ka gare ga dipelo tša bona, gomme ba tla hwetša se ba se kgopelago.

<sup>145</sup> Bjale, Tate, O dirile karolo ya Gago. Ke dirile tšohle ke tsebago mokgwa wa go dira, ntle le go bea diatla godimo ga batho le go ba tlotša. Bjale ka moka e tla ba ga bona. A nke e se palelwé. A nke lebile le lengwe le le lengwe la nako ya go se hwe ya Modimo le šome ka go phethagala mosong wo, ge balwetši ba tlotšwa. Bakeng sa Jesu Kriste re a e kgopela, Leineng la Gagwe. Amene.

Ge o ka kgona feela go dumela, e no dumela  
feela,  
Dilo tšohle di a kgonega, feela . . .

<sup>146</sup> Kafao pina yela e dirago se sengwe go nna! Maleme a makgolo... Ke kwele bahetene le Bakgothu ba opela yeo ge ke be ke etla sefaleng.

<sup>147</sup> Mosadi yo wa go swana, mmapiano wa go swana, bokgole bjo ke tsebago, o tsebišitše pina go nna, mengwaga ye lesomepedi ya go feta, pele ke tloga bodireding. Paul Rader, mogwera wa ka, o e ngwadile.

<sup>148</sup> Jesu, ge a be a etla fase go tšwa thabeng, O bone mošemane a ne go hwa dihwahwa. Barutiwa ga se ba kgona go dira selo ka gona. O rile, "Morena, eba le kgaogelo go ngwana wa ka."

<sup>149</sup> O rile, "Ke tla kgona ge o ka dumela, ka gore dilo tšohle di a kgonega; dumela feela." Fao ke mo Paul a hweditšego sehlogo sa gagwe, *Dumela Feelā*. "F-..."

<sup>150</sup> Bjale lebelela go tloga go bolwetši bja gago bjale, "Feelā du-..." A o ka se kgone go dira seo? "Dilo tšohle di a kgonega, feela..."

<sup>151</sup> E no elelwa, O eme mo. O a ratega. O e tshepišitše. O bonagatša dietša tša Gagwe; lebelela ba bangwe ba fodišwa. Nnete, o ka kgona, le wena. "Ntebelele," monna wa sefou a fodišwa, le a bona. Lebelela ba bangwe, lebelela feela gore bjang, nna, se Morena a se dirilego! "...kgonega..."

<sup>152</sup> Ke ba bakae ba dumelago seo thwi bjale o na le tumelo ka pelong ya gago, "Ke a dumela e rumilwe. Ke a dumela ke tla kgona go Mo amogela thwi bjale. Ke a dumela nka kgona go re ke tla ba gabotse. Ga go tshwenye se se diregago, ke re go thaba ye ya bolwetši, 'Tlošwa gomme o ntlogele, goba moratwa wa ka, goba e ka ba eng e lego.' Gomme ke a dumela gore e tla tla go phethega?"

<sup>153</sup> Šetša se se diregago. Bolwetši bjola bo tla thoma go kgeiga. Bo tla thoma go šutha. Selo sa pele o a tseba, ngaka o tla re, "Go diregile eng mo?" Yeo ke nnete, ge o ka kgona go dumela.

<sup>154</sup> A o ka tla, Ngwanešu Neville? Bjale dira bao ba lego ka mokgobeng wo *fa*, ba eme godimo go lehlakore *le*. Gomme lena le lego ka mokgobeng *wo*, eyang thwi go dikologa morago le go tla thwi go dikologa, ge le ka rata, gore re kgone go ba le mothalo o motee. Re tla ba le bagolo ba tle pele, go ema le batho, ge ba rapelelwa.

<sup>155</sup> Bjale, mosetsana yo monnyane, re tla sepelela fase le go rapelela ngwana yo monnyane yo a robetšego mo. Re tla no tla thwi mo a lego.

<sup>156</sup> Ke nyaka bao ba... ba bangwe ba ba tla rapelelwago, go ya godimo ka go lehlakore le bjale. Ke nyaka motho yo mongwe le yo mongwe ka mo go ba ka thapelong thwi bjale. O karolo go dira le se. Diašara di eme godimo kua di tla le laetša ka go mothalo wo le swanetšego go fola ka go wona ka go nako ye.

Dilo tšohle di a kgonega, dumela feela.

Se boife, mohlape wo monnyane, go tšwa  
sefapanong go ya teroneng,  
Go tšwa lehung go ya ka bophelong O ile  
bakeng sa ba Gagwe mong;  
Ka maatleng lefaseng, maatla ohle godimo,  
A neilwe go Yena bakeng sa mohlape wa lerato  
la Gagwe.

Na naledi ya Krisemose e reng bjale?

Dumela feela, dumela feela,  
Dilo tšohle di a kgonega, dumela feela;  
Dumela feela, dumela feela,  
Dilo tšohle di a kgonega, dumela feela.

<sup>157</sup> Bagwera baratwa ba ka, go na le ba bantši ka mo ba le rapelelago bjale; monna wa go loka le basadi ba go loka, ba bakgethwa, basadi le monna ba bomodimo.

<sup>158</sup> Ngwanešu Neville o ema mo lehlakoreng la ka, se ke se tsebilego lebaka la mengwaga go ba motho wa bomodimo. Batho ba ba tlago mo go tšwa ka ntle ga toropo, ba mpiditše godimo mogaleng, ba rile, “Ke mang moisa yo monnyane yola, ke modiša wa gago? Mphe aterese ya gagwe; ke nyaka go mo ngwalela. O bonala bjalo ka monna wa go hlokofala.” Ke thabile kudu gore ke kgona go re, “Gomme yo mongwe wa batho ba bomodimodimo ke ba tsebago.” O phela se a se rerago le go bolela ka sona. O swere sedibelo sa go tlotša ka seatleng sa gagwe.

Modimo o na le maatla ka seatleng sa Gagwe.

<sup>159</sup> A o na le tumelo ka pelong ya gago? Ge o na le, e swanetše go direga. Ntle go kgabaganya fa, fa go badiredi, batho ba bomodimo ba dutšego fa ba ya go le rapeleta. Se sengwe se swanetše go direga bjale.

<sup>160</sup> Se sengwe se go tlišitše bokgole bjo; e be e le Naledi, bjale, Naledi, Naledi ya Meso. Bjale amogela sa go se hwe, Seetša sa Gosafelego. Go no swana le wena, re latela setlwaedi se, go swana le go go kolobetša, goba e ka ba eng, le a bona. “Go tlotsa balwetši ka go oli, go rapela godimo ga bona; thapelo ya tumelo e tla phološa molwetši.”

<sup>161</sup> Jesu o rile, mantšu a mafelelo go Kereke ya Gagwe. “Maswao a a tla latela bona ba ba dumelago; ba tla bea diatla tša bona godimo ga balwetši, ba tla welwa ke maruru.” Ka mantšu a mangwe, ke tla bolela se, go e bea ka mantšu a mangwe le a tseba, “Kae kapa kae Ebangedi ye e rerwego, ka go lefase lohle, blahlanka ba Ka ba tla bea diatla godimo ga balwetši, ba tla fola.” Thwi. Le a bona?

<sup>162</sup> Gomme go selo se tee feela go ahlola seo, seo ke, go se dumele. Le a bona, seo ga se bee . . . ebile le ge—ge ngwanešu le nna re be re . . . re be ebile re sa swanelo go rera Ebangedi; e lego, ga se rena, ke feela ka mogau wa Gagwe. Eupša, ga go tshwenye se

re tla bago sona, ke Lentšu la Gagwe. O, Yena ga a swanelo go gomarela go rena, eupša O swanetše go dula le Lentšu la Gagwe, “Ge o ka kgona go dumela.”

<sup>163</sup> Bjale ke ba bakae ntle fao ka go batheeletši ba yago go be ba rapelela batho ba? Phagamišetšang diatla tša lena godimo. Ke nyaka lena batho go lebelela ntle kua. Ke fao dithapelo di yago, go leba Legodimong bakeng sa lena bjale. Bjale hlogo ye nngwe le ye nngwe e inamišitšwe gomme yo mongwe le yo mongwe a rapela, ge ngwanešu a tlotša.

<sup>164</sup> Motsotso feela bjale, re tla ba le thapelo ye ya phuthego bakeng sa ba mo.

<sup>165</sup> Morena wa kgaogelo, re ya pele bjale bjalo ka bahlanka ba Gago, go dira mošomo wa badiredi. Go ba bantši fa, Morena, ka mothalong, ba ba lego kudu, ba babjago kudu, ntle le pelaelo. Ba bangwe ba bona ba kgauswi le lehu. Gomme ba bangwe ba bona ba sa le ka madulong a bona. Mohlala, mosetsana yo monnyane a tšwago Florida. Go na le ba bangwe mo go tšwa Georgia le mafelong a go fapano, go tšwa godimo go fihla Indianapolis, bangwe go tšwa godimo ka Ohio, ba kgobokane ka go sehlopha se sennyane se mosong wo, ba be ba letile mo ka go dihotela tše le se sengwe le se sengwe, ba letile iri ya go rapelelwa. Ba be ba le ka dikopanong. Ba šeditše seatla sa Gago se sepela le go šoma. Gomme thwi fa bjale . . . Morena, tloša nonwane ya Santa Claus gomme o ba tliše go mpho ya kgonthe ya Krisemose. Ba fe go phelega mo gobotse feela bjale, Morena, ka gore ba tlie ba dumela.

<sup>166</sup> Gomme re a tla, re ema gare ga bona le Morena Modimo wa Legodimo, go ba direla poelano, go rapela le go fa go ratharatha ga mantšu a rena beng, legatong la bona. A nke go se be le yo motee wa bona, Morena, a palelwago go ba le tumelo.

<sup>167</sup> Re a tseba Lentšu le a e bolela. Re a tseba gore re a e dumela. Bjale, Morena, a nke ba le dumele le go amogela se ba se kgopelago. Re ya pele bjale bjalo ka baemedi ba Kriste, le mmele wo ka moka wa kereke, re rapela ka mmero o tee bakeng sa phodišo ya bona. A nke go be bjalo. Gomme ge ba tloga, a nke ba tloge ka lethabo le legolo la go fetiša ka gore le—le Letšatši la seruthwane le tlide godimo ga rena. Lefula la Dietša tša Legodimo le retologetše tseleng ya rena, gomme re bona Morena Jesu yo a tsogilego ka go Maatla a Gagwe le Letago. Amene.

<sup>168</sup> Ge a tloditšwe, Leineng la Morena Jesu, re bea diatla tša rena godimo ga gagwe, le go kgopela gore bolwetši bja gagwe bo fodišwe ke seatla sa Ramaatlakamoka Modimo, ka go la Jesu Leina. Amene.

<sup>169</sup> Modimo a go šegofatše. Sepela o e amogelete, Leineng la Morena Jesu.

<sup>170</sup> Ka go tlotšwa, Leineng la Morena Jesu, re kgopelela tlhogeloa ya pelo ya gagwe go fiwa, Leineng la Morena Jesu. Amene.

<sup>171</sup> Ka go tlotšwa ka oli, re bea diatla tša rena godimo ga ngwana wa bo rena, Leineng . . . 

*SEETŠA SE SEGOLO SA GO PHADIMA* NST57-1222  
(The Great Shining Light)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Disemere 22, 1957, mo Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlatlatšwa ke Voice of God Recordings

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)